

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

9. Proverbia

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

B. Nescis tu quosdam se obrudere quosdam invitis obrudi, alios intrudi, extrudi alios, ac interdum oves pastoribus, interdum pastores ovibus dari in pœnam. *A.* In pœnam? *B.* Omnino: sunt enim suppliciorum quædam loca, delinquentibus distribuenda. *A.* Etiam cognatis? *B.* Absit, nam hi privatim emendantur, illos rusticorum impietas coerceat. *A.* Quid si eiusdem sitis cû rusticis impietatis, haud enim heluaris quod arbitrator minus? *B.* quis non inter barbaros hos obrigescat. *A.* Atqui Christi Apostoli ferinos plane cicurârunt. *B.* Alia sunt tempora. *A.* At non alius Christus. *B.* Eruditio oppidis debetur: imperitia pagis. *A.* Si sanctitas vitæ adsit, valeat eruditio. *B.* Non ferunt hæc inculta loca. *A.* At dum Ecclesia vobis est inculta, puro neglectoribus omnibus destinatarum supremi supplicii locum.

9. PROVERBIA.

A. Id equidem haud laudo, quod nulla diei distributione in studiis volutaris. *B.* Ignosce mihi, nunquam potui ad clepsydram sapere. *A.* Atqui natura ipsa in certa tempora operas disponit. *B.* Sit sane alibi, studia animum integrum, non horologiis secandum volunt. *A.* Hoc vero studium haud est, legere proverbialusum ego dixerim. *B.* Ego vero humanæ sapientiae, & laborum omnium compendium æstimo. *A.* Vah! vulgi dicteria, & anicularum sententiarum sapientiae nomen habeant? *B.* Crede mihi, quæ tot laboribus, periculis, erroribus, inquisitionibus,

quisitionibus, humano generi constiteret. ea huic libello inclusa sunt, ut faciliè orbis terreni maximas & axiomata dixeris. *A.* Planissimè pro Diana ranam diligis *B.* Scito meras mercuriales statuas esse, quæ stolidam iuventutem, in rerum omnium experimenta magna spe accinctam deviarum admoneant. *A.* Id Philosophiæ officium est *B.* Imo senum, qui post multas ambages ad se tandem defessi redierunt, & brevi erroris confessione nobis consultum volunt. *A.* Ecquid doceat tot sententiarum chaos? *B.* Nempe mundus ipse chaos est, cui te securissimè committis; *A.* Rescâ penetrandum est, & veritati inhærendum. *B.* Tu veritatem insequaris? quæ toties obnubilatur, quoties alia temporis, alia ætatis tuæ facies est, non ergo hætenus aliquando aberrasti? *A.* Fatendum: sed quam procul aspexi veritatem, eam assecutus sum. *B.* Cave inter verum & fictum malè distinguas. *A.* Nec tamen vulgi proverbiiis huc utar. *B.* Tu vulgus appellas, sapientum concionem? *A.* Sint sanè quædam bona, quis reliquæ turbæ usus sit? *B.* Et olitor sæpè idonea dixit. *A.* At Philosophi semper optima. *B.* Vix ullum credo Philosophum natum, qui non ex hominum turmis suam formârit sapientiam. *A.* At quæ iam conscripta est, securissima est. *B.* Nescio, eius sanè certissimus sum, qui nobis sapientissimi creduntur, & omnium scientiarum libros evolvunt, eos ad unum alterumve domesticum experimentum formare omnipem vitæ suæ & aliënæ rationem.